

Broj: 02D-1248-6/23

Datum: 24.02.2023. godine

Na osnovu odredbi člana 69. stav (1) tačka b) i stav (2) tačka d) Zakona o javnim nabavkama („Službeni glasnik BiH“, broj 39/14, 59/22), na Preporuku o poništenju postupka nabavke, broj: 02D-1248-4/23 od 21.02.2023. godine, u postupku javne nabavke – **Preventivno i interventno održavanje rampe za ulazak i izlazak vozila**, direktor Javne ustanove Opća bolnica „Prim. dr. Abdulah Nakaš“, donio je

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke usluga: Preventivno i interventno održavanje rampe za ulazak i izlazak vozila, jer je jedina zaprimljena ponuda ponuđača PRODOOR d.o.o. Sarajevo neprihvatljiva.

**Član 2.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 70. stav (6) Zakona o javnim nabavkama („Službeni glasnik BiH“, broj 39/14, 59/22).

**Član 3.**

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa odredbama člana 71. stav (2) Zakona o javnim nabavkama („Službeni glasnik BiH“, broj 39/14, 59/22).

**Obrazloženje**

Postupak javne nabavke pokrenut je Odlukom o pokretanju postupka javne nabavke, broj: 02D-12542-1/22 od 19.12.2022. godine. Javna nabavka je sprovedena putem konkurentskog zahtjeva za dostavu ponuda, JN-112/22. Procijenjena vrijednost javne nabavke bez PDV-a je 7.000,00 KM.

Obavještenje o nabavci, broj: 1125-7-2-37-3-20/23, objavljeno je na Portalu javnih nabavki dana 30.01.2023. godine. Sažetak Obavještenja o nabavci objavljen je u Službenom Glasniku BiH, broj: 7/23 od 03.02.2023. godine.

Komisija za nabavku, imenovana je Rješenjem, broj: 02D-12542-2/22 od 19.12.2022. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 02D-1248-3/23 od 21.02.2023. godine, Preporuku o poništenju postupka nabavke, broj: 02D-1248-4/23 od 21.02.2023. godine i Izvještaj o radu, broj: 02D-1248-5/23 od 21.02.2023. godine, u postupku javne nabavke usluga – Preventivno i interventno održavanje rampe za ulazak i izlazak vozila.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena 1 ponuda,
- da je blagovremeno zaprimljena 1 ponuda,
- da nije bilo neblagovremeno zaprimljenih ponuda;

Ponuda ponuđača: PRODOOR d.o.o. Sarajevo se odbacuje kao neprihvatljiva u skladu sa odredbama člana 68. stav (4) tačka i) Zakona o javnim nabavkama („Službeni Glasnik BiH“ broj 39/14, 59/22), jer ponuda ponuđača nije potpuna i ne ispunjava zahtjeve iz tenderske dokumentacije, iz sljedećih razloga:

- Ponuđač nije dostavio original ili ovjerenu fotokopiju aktuelnog izvoda iz sudskog registra, već samo običnu fotokopiju, a što je suprotno traženim u odjeljku c) tačka 2. podtačka 1) u dokazima, na stranici 9 TD.
- Ponuđač nije dostavio ID i PDV broj, a kako je zahtijevano u odjeljku c) tačka 2. podtačke 2) i 3) u dokazima, na stranici 9 TD.
- Ponuđač nije dostavio potvrdu o uredno izvršenom ugovoru i Obavještenje o razvrstavanju pravnog lica prema klasifikaciji djelatnosti Federalnog zavoda za statistiku FBiH za obavljanje djelatnosti KD BIH 2010 - 43.21., a kako je zahtijevano u odjeljku c) tačka 4. podtačke 1) i 2) u dokazima, na stranicama 10. i 11. TD.

U postupku donošenja ove Odluke, posebno su cijjenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije. Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Obzirom da je za predmetnu nabavku pristigla jedna ponuda ponuđača PRODOOR d.o.o. Sarajevo, a koja je neprihvatljiva za Ugovorni organ, poništava se predmetni postupak u skladu sa odredbama člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22).

Iz navedenih razloga, primjenom odredbi člana 69. stav (1) tačka b) i stav (2) tačka d) Zakona o javnim nabavkama („Službeni glasnik BiH“, broj 39/14, 59/22), odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.**  
Žalba se podnosi u najmanje 3 (tri) primjerka.

Pripremila:


Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke

Dostaviti:

- Ponuđaču: PRODOOR d.o.o. Sarajevo
- Odjeljenje za ekonomsko – finansijske poslove
- Odsjek za javne nabavke
- Komisija za javne nabavke
- Odsjek zaštite



Prof. dr. Ismet Gavrankapetanović  
DIREKTOR